

Դրամաշնորհային հաշվետվություն N 3

1. Ընդհանուր տեղեկատվություն

Ծրագրի անվանում	«Տարեց և (կամ) հաշմանդամություն ունեցող անձանց տնային պայմաններում խնամքի ծառայություններ» (Գավառ)
Դրամաշնորհի N	«1032-11002/24-ԳԳ»
Դրամաշնորհատու կազմակերպություն	ՀՀ աշխատանքի և սոցիալական հարցերի նախարարության
Դրամաշնորհատու կազմակերպություն	«Հայկական Կարիտաս» ԲՀԿ
Ծրագրի իրականացման ժամանակահատված	03.01.2024 - 31.12.2024
Հաշվետու ժամանակահատված	01.07.2024 - 30.09.2024
Ներկայացման օր	14.10.2024
Հաշվետվության պատասխանատու (անուն, ազգանուն, պաշտոն)	Տիգրանուհի Տարախչյան, ծրագրի ղեկավար

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Ծրագրով նախատեսված և հաշվետու ժամանակաշրջանին համապատասխանող հիմնական գործողություններն են.

- 1) խնամքի ծառայություններ հայցող ուղեգրված շահառուների անհատական կարիքների վերագնահատում,
- 2) անհատական սոցիալական ծրագրի վերանայում,
- 3) խնամքի ծառայությունների տրամադրում՝ շահառուի հետ կնքված պայմանագրին, ծառայությունների մատուցման ժամանակացույցին և անհատական սոցիալական ծրագրին համապատասխան, մասնավորապես՝

ա) **կենցաղային սպասարկում** - 25 շահառուներին տրամադրել սոցիալական խնամողի

ծառայություններ (տան մաքրում, շահառուի լողացում, մազերի և եղունգների հարդարում, անկողնային պարագաների փոխում, հագուստի փոխում, գնումներ, կոմունալ վճարումներ և այլն):

Բ) բժշկական օգնություն և սպասարկում - Բուժքույրերի կողմից իրականացնել տնայցեր 25 շահառուներին (արյան ճնշման, արյան մեջ շաքարի մակարդակի չափում, ներարկումներ, անհրաժեշտության դեպքում վերքերի և վնասված հատվածների մշակում և վիրակապում, բուժման, դեղերի օգտագործման վերաբերյալ խորհրդատվության տրամադրվում), ուղղորդում դեպի պոլիկլինիկաներ՝ առավել բարդ հետազոտությունների կատարման համար, խորհրդատվության տրամադրում շահառուներին և նրանց օգնող անձանց՝ առողջապահական թեմաների շուրջ՝ առողջ սննդակարգի, անձնական հիգիենայի կանոնների պահպանման, հիվանդությունների կանխարգելման, ծերաբանության և ծերաբուժության վերաբերյալ:

Գ) դեղորայքի տրամադրում Երկու ամիսը մեկ անգամ շահառուներին տրամադրել դեղորայք միայն բժշկի կողմից դուրս գրված դեղատոմսով: Ըստ կարիքի՝ կամավորները և ծրագրի բուժքույրերը լիազորված են շահառուի կողմից որպեսզի ստանան նրան հատկացված դեղորայքը պոլիկլինիկաներից:

Դ) սննդի տրամադրում Երեք ամիսը մեկ անգամ շահառուներին տրամադրել սննդի փաթեթներ և հիգիենիկ միջոցներ: Սննդի փաթեթի մեջ ներառված են անհրաժեշտ կալորիականությամբ սննդամթերք:

Ե) մշակութային միջոցառումների և էքսկուրսիաների կազմակերպում – Շահառուների հասարակական կյանքն ակտիվացնելու նպատակով կազմակերպել տարբեր միջոցառումներ՝ նշելով տաղավար տոները, հիշարժան օրերը, ծննդյան օրերը:

Զ) ուղեկցման ծառայություններ, շահառուների իրավունքների և օրինական շահերի պաշտպանություն - Սոցիալական աշխատողի կողմից շահառուներին տրամադրել սոցիալական խորհրդատվություն/շահերի պաշտպանություն, միջնորդում, ուղղորդում այլ կառույցներ և այլն:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտիադյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Հաշվետու ժամանակահատվածում ծառայություններ են մատուցվել 65 տարեկանից բարձր և/կամ 18 տարին լրացած հաշմանդամություն ունեցող 25 շահառուի: Իրականացվել են հետևյալ գործողությունները՝ ըստ սահմանված աշխատանքային պլանի՝

1. Հաշվետու ժամանակահատվածում սոցիալական աշխատողը 25 շահառուի կատարել է 165 տնայց յուրաքանչյուր շահառուի ամիսը 2 անգամ, ինչպես նաև կատարել է լրացուցիչ այցեր՝ ըստ անհրաժեշտության, այցերի ընթացքում տրամադրվել են

սոցիալական խորհրդատվություն, ուղղորդում այլ կառույցներ, միջնորդում, շահերի պաշտպանություն և այլն: Վերանայվել և թարմացվել են շահառուների անհատական սոցիալական ծրագրերը:

Բոլոր շահառուները տեղեկացված են և պատրաստ են պաշտպանել իրենց իրավունքները: Շահառուների սոցիալական խնդիրները լուծումներ են ստանում համապատասխան ծառայությունների տրամադրման, խորհրդատվությունների, միջնորդական ծառայությունների կամ անմիջական օգնության միջոցով:

2. Հաշվետու ժամանակահատվածում ծրագրում ընդգրկված 25 շահառուի տրամադրվել են սոցիալական խնամողի ծառայություններ՝ անձնական հիգիենայի ապահովում, տան մաքրում, լոգանքի կազմակերպում, մազերի և եղունգների հարդարում, անկողնային պարագաների և հագուստի փոխում, գնումների իրականացում, կոմունալ վճարումներ, սննդի կազմակերպում և այլն:

Իրականացվել են լվացքատան ծառայություններ: 7 շահառուի անկողնային պարագաները և հագուստը տեղափոխվել է լվացքատուն, լվացվել, արդուկվել և տեղափոխվել է շահառուի բնակարան:

Ծրագրի 5 շահառուի լվացքը իրականացվում է շահառուի տանը, քանի որ վերջիններս ունեն լվացքի մեքենաներ և համապատասխան հարմարություններ դրա իրականացման համար:

Ամեն ամիս թարմացվել են սոցիալական խնամողների գրաֆիկները՝ ըստ շահառուների կարիքի և խմբի: Տնային պայմաններում ծառայությունները տրամադրվում են շաբաթվա բոլոր օրերին՝ ըստ նախօրոք կազմված գրաֆիկների: Ա խմբի շահառուներին օրական 2 անգամ և ըստ անհրաժեշտության, իսկ Բ խմբի շահառուներին՝ շաբաթական առնվազն 2 անգամ և ըստ անհրաժեշտության: Բոլոր այցերի վերաբերյալ կատարվել են համապատասխան նշումներ տնային թերթիկներում և ծառայությունների մատուցման ստուգաթերթում:

Լվացքի և լոգանքի կազմակերպման, անձնական հիգիենայի պահպանման, բնակարանի մաքրության ծառայությունների շնորհիվ բարելավված է շահառուների հիգիենիկ վիճակը: Գնումների իրականացման և կոմունալ վճարների մուծման արդյունքում շահառուն ապահովված է իրեն անհրաժեշտ ապրանքներով և կոմունալ ծառայություններով: Հիգիենայի պահպանումն ու տրամադրվող խնամքը նրանց դարձնում է ավելի ինքնավստահ: Կայուն խնամքի ծառայությունների միջոցով բարելավված է շահառուների կյանքի որակը:

3. Բուժքույրերը իրականացնում են տնայցեր 25 շահառուի՝ ըստ ամսական կազմված գրաֆիկների: Ա խմբի շահառուներին կատարվում է շաբաթական նվազագույնը 2 այց, իսկ Բ խմբի շահառուներին՝ շաբաթական նվազագույնը 1 այց: Ըստ անհրաժեշտության կատարվում են նաև լրացուցիչ այցեր:

Բուժքույրերի կողմից իրականացվում են հետևյալ գործողությունները՝ ներարկում, դեղերի տրամադրում (ըստ բժշկի նշանակումների), արյան ճնշման և արյան մեջ շաքարի մակարդակի չափում, անհրաժեշտության դեպքում վերքերի և վնասված հատվածների մշակում և վիրակապում, բուժման, դեղերի օգտագործման վերաբերյալ խորհրդատվության տրամադրում, բժշկական հաստատություններ ուղղորդում և ուղեկցում:

Բուժքույրերը խորհրդատվություն են տրամադրում շահառուներին և նրանց օգնող անձանց՝

առողջապահական թեմաների շուրջ՝ առողջ սննդակարգի, անձնական հիգիենայի կանոնների պահպանման, հիվանդությունների կանխարգելման, ծերաբանության և ծերաբուժության վերաբերյալ:

Բուժքույրերի կողմից շահառուներին տրամադրվել է այն դեղորայքը, որը պոլիկլինիկաներից չեն կարող ստանալ: Դեղորայքը շահառուին տրամադրվել է միայն բժշկի կողմից դուրս գրված դեղատոմսով: Բուժքույրերը լիազորված են նաև շահառուի կողմից նրանց հատկացված դեղորայքը պոլիկլինիկայից ստանալու համար:

Տրամադրված կանոնավոր բժշկական օգնության, առողջապահական ծառայությունների, դեղամիջոցների տրամադրման և բուժքույրերի հեղուկացման շնորհիվ պահպանված և բարելավված է շահառուների առողջական վիճակը:

4. Երեք ամիսը մեկ անգամ 25 շահառուներին տրամադրվել է սննդի փաթեթներ և հիգիենիկ միջոցներ: Սննդի փաթեթի մեջ ներառված է անհրաժեշտ կալորիականությամբ սննդամթերք: Սննդի և հիգիենիկ պարագաների բաշխումը կատարվելու է կամավորների և սոցիալական խնամողների կողմից:

5. Հաշվետու ժամանակահատվածում ծրագրային թիմի կողմից կազմակերպվել և անցկացվել է մեկ միջոցառում՝

Օգոստոսի 7-ին Հայկական Կարիտասի Գավառի «Փոքրիկ Իշխան» սոցիալական կենտրոնի և «Տնային խնամք» ծրագրի շահառուների մասնակցությամբ անցկացվել է ցերեկույթ, որը կրում էր «Սերունդների երկխոսություն» խորագիրը: Միջոցառմանը մասնակցել են թվով 10 շահառուներ:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիապրոդուկտներ և այլն)

Բոլոր այցերի, միջոցառումների, իրականացված աշխատանքների վերաբերյալ անհրաժեշտ թղթաբանությունը և նկարները հավաքվում և պահպանվում են:

Եռամսյակային հաշվետվությանը կից ներկայացնում ենք նկարներ և հաջողության պատմություն:

<https://www.facebook.com/ArmenianCaritas/videos/410327361536609>

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Հաշվետու ժամանակահատվածում որևէ էական խնդիրներ կամ խոչընդոտների չեն առաջացել: Նախկինում ձևավորված սերտ համագործակցությունը և վստահությունը

ՀԱՇՎԵՏՎՈՒԹՅՈՒՆ

«Հայկական Կարիտաս» բարեսիրական հասարակական կազմակերպության տնային պայմաններում խնամքի մատուցված ծառայությունների վերաբերյալ

h/h	Մատուցվող ծառայության անվանումը	Ծառայություն ստացած անձանց թիվը
1.	հաշվետու ժամանակահատվածի՝ սկզբում/վերջում շահառուների թվաքանակը	25/25
1.1	այդ թվում՝ կին	24
1.2	այդ թվում՝ հաշմանդամություն ունեցող անձինք՝ 18-65 տարեկան	2
1.2.1	այդ թվում՝ կին	2
1.2.2	18-40 տարեկան	0
1.2.3	40-65 տարեկան	2
1.3	65 տարեկանից բարձր	23
2.	Ըստ գնահատված կարիքի՝ դասակարգված խմբերում ընդգրկված շահառուների թվաքանակը (Ա/Բ). նշել յուրաքանչյուր խմբում ընդգրկվածների թիվը	Ա - 3 Բ - 22
3.	կենցաղային սպասարկում.	25
4.	բժշկական օգնություն և սպասարկում.	25
5.	սոցիալ-հոգեբանական օգնություն	25
5.1	այդ թվում՝ մշակութային բնույթի ծառայությունների և միջոցառումների կազմակերպում	10
6.	խորհրդատվական օգնություն	25
7.	այլ ծառայություն (նշել) վճարատուն	7

Կազմակերպության գործադիր տնօրեն՝ Գ. Տարասյան

«14» 10.2024 թ

Պ Ա Տ Վ Ի Ր Ա Տ ՈՒ

Կ Ա Տ Ա Ր Ո Ղ

ՀՀ աշխատանքի և սոցիալական հարցերի նախարարություն
Գլխավոր քարտուղար՝ Ս. Մուրադյան

«Հայկական Կարիտաս» բարեսիրական հասարակական կազմակերպություն
Գործադիր տնօրեն՝ Գ. Տարասյան

(ստորագրություն)

(ստորագրություն)



Հաջողված պատմություն

Օգոստոսի 7-ին Հայկական Կարիտասի «Տնային խնամք» ծրագիրը և «Փոքրիկ Իշխան» սոցիալական կենտրոնը համատեղ ջանքերով կազմակերպել էին «Սերունդների երկխոսություն» խորագիրը կրող ցերեկույթը: Ցերեկույթի հիմնական նպատակն էր գալիք սերունդին փոխանցել հայկական ավանդական խոհանոցի և ճաշատեսակների պատրաստման եղանակներն ու գաղտնիքները:

Մասնակիցները համատեղ ուժերով պատրաստեցին հայկական մի քանի ավանդական ճաշատեսակներ, որոնցից էր՝ Գավառի քյուֆթան, արիշտան, հայկական ավանդական գաթան, տարբեր աղցաններ: «Տնային խնամք» ծրագրի տարեցները մեծ սիրով կիսեցին իրենց գիտելիքները երեխաների հետ՝ տրամադրելով նրանց մի շարք ճաշատեսակների պատրաստման եղանակներն ու ձևերը:

Ցերեկույթը ուղեկցվում էր հետաքրքիր խոսք ու զրույցով, երաժշտությամբ, որը մեծ բավականություն պատճառեց թե ծրագրերի անձնակազմին և թե շահառուներին:

Երեխաների կողմից տարեցներին հանձնվեցին անակնկալ նվերներ:

«Մենք դաստիարակում ենք հայ սերունդ, որը պետք է հարգի մեծերին ու պառիպանի հայոց ոգին ամենուրեք», - ասաց Սոնիկ տատը: